

棲霞縣志卷二

知棲霞縣事加二級 古燕胡 璘霽玉父重修

賜進士內府禮科給事中邑人李唐裔西林父鑒定

賜進士候 選 知 縣邑人牟國須柱東父訂正

邑舉人牟國玠鳳伯父纂輯

建置志

掌固以守土方以相詩詠經營易聒大壯敢煩  
里旅啟塞授時上憲危垣下關吏治

營建亦政治之所有事也然非出於不容已遽

棲霞縣志

卷之一

建置

一

忍勞民以傷財乎夫城垣百里之保障縣治一  
邑之觀瞻學校斯文之根本錯之以廡舍連之  
以坊舖濟之以津梁鎮之以營壘庇之以祀壇  
而又爲之田以養其生爲之墓以安其歿圮者  
繕之奠者因之叢脞者變更之凡以見前人成  
蹟之尚在而後人之無或墜焉耳倘弗察厥旨  
而猥云時詘舉盈一切憚不敢行吾恐拘文牽  
俗而堦塌葺之誚矣志建置一卷

城垣

舊有土城周二里許高不踰肩廣不盈尺明成化六年知縣婁鑑稍加修葺然壘小石成之歲傾歲補北負峻坡跂足可窺正德間流賊一至城遂不支嘉靖三十七年倭寇流薄士民驚徙知縣李揆相其形勢廓其規模砌以磚石止外修一面而公以事去萬曆六年知縣鮑霖始竟其功內外如一廣六尺高丈餘門有四東曰寅賓南曰環翠西曰迎恩北曰迎仙樓四舖三城阻山石池不可鑿南帶河雨集則水漲爲

患十年甃石爲堤長一百五十步河卽有水不近城垣矣二十五年知縣鮑紋建北門瓮城一座敵臺八座天啟七年瓮城圯因去之崇禎十一年知縣鍾其偉同鄉官郝晉增高三尺角臺四座

國朝順治五年知府張尚賢知縣金本重重修內面增濶一尺高二尺

論曰棲霞之城四山偪立且隆隆起也縣堂仰眎翠屏不異面壁登山閱城俯而窺耳堪輿家動稱不利問所不利曰官爲甚夫設城所以爲

民民世居此者代有君子漸啟人文是未嘗病  
民甚也而何必利在官且官亦安可以成敗論  
哉徃徃不幸而敗非其天命則人事也城曷故  
焉

公署

縣治

居城之中僞齊阜昌五年建大定初縣令李自

牧元大德間縣尹王鼎臣修元 燬於兵明洪

武三年主簿牟敬祖重建正統間知縣姜昀成

化間知縣婁鑑路真相繼修葺嘉靖三十七年

知縣李揆復增飾之正廳三間後為庫樓為補

思堂又後為知縣宅東縣丞宅西主簿宅東南

為典史宅 萬曆十二年裁主簿遂居  
典史於西宅而東南宅廢 正廳前有

棲霞縣志

卷之一 公署

四

方臺暨石為欄左幕廳又左土地祠右架閣庫

又右承發司左右兩翼為六曹房方臺前為界

坊為儀門儀門東為寅賓館西為獄又前為大

門門之上為叟樓門之外東為旌善亭西為申

明亭 萬曆四年知縣朱惟純改旌善為收糧徭  
所而二亭之名廢萬曆十九年知縣何思

鰲仍舊制復修旌善申明  
亭崇禎十五年燬於兵

國朝順治二年知縣霍叔瑾三年知縣金本重建高

樓於宅中十八年知縣翟進仁拆庫樓建川廊

於補思堂前康熙元年川廊燬於兵四年知縣

胡璘重修之築大牆於縣宅外八年重修大門  
十年建三堂

論曰考古天子布政厥惟明堂其制甚都下此  
牧伯令長代天子分治下國亦必有聽政之所  
所以勤宣天子之德意弗可苟也棲卽僻處亦  
有天子之命吏撫而治之上不褻其居下乃行  
其令可聽其日就荒圯哉然公旬有令自古訓  
之無廢舊無勞民是在賢有司以佚道使之耳

儒學

棲霞縣志

卷之一

公署

五

在東門內金大安元年縣令李景道建元大德  
三年縣尹張騰霄修明洪武三年主簿牟敬祖  
重修正德間知縣姜昀蕭鳳成化間知縣婁鑑  
路真郭實劉紋嘉靖間知縣李祐李揆相繼修  
飾萬曆十年署縣事州判杜誥復修明倫堂三  
間豎臥碑於左後左爲教諭宅前左爲訓導宅  
爲儒學大門原有兩齋在堂左右敬一亭射圃  
在堂後尊經閣在大門右今俱廢

國朝順治九年知縣金國儒教諭姚三變重修明倫

堂

論曰學宮與邑治相因者也古者入學則釋奠於先聖先師見聖賢宜祠之於學然非若二氏百神之以驚動禍福炫耀愚俗爲神而欲崇大其祠宇也苟庠序弗修而徒嚴廟祀豈先王厲學宮之義哉今廟學猶儼然也而教養未先士氣弗振覩几筵而念羹牆不禁歛歔於邑之感雖然守先待後視乎其人則磨礪以須而無憚憚於不聞期與邑士共勉之

察院在縣治東 布政司在西門內俱明洪武三年主簿牟敬祖建成化間知縣婁鑑路眞嘉靖間知縣李揆萬曆間知縣鮑霖相繼重修今俱廢址存

陰陽學

在北門內今廢

醫學

在北門內今廢

僧會司

在縣延福寺

道會司

在城隍廟

預備倉

在縣西今廢址存

義倉

在縣前明萬曆八年知縣楊誠建今廢

保赤倉

縣一所在預備倉內東北廩鄉外二十所在三

棲霞縣志

卷之一 公署

七

里店楊础店北曲家村東院頭村東水道村倚

路王村北大莊集東鐵口集東蛇窩泊集南桃

村集東觀里集北趙家莊西寨里集東臧家莊

集中子推院倚寺口院東虎山院東濱都宮倚

亭口廟倚湯池北明萬曆十八年知縣何思鰲

奉撫院宋 按院鍾 明文設處勅社倉四卽

蛇窩泊桃村趙家莊寨里者後本府推官謝

條陳增置更保赤名今俱廢

社學

縣二所一在北門內一在天齊廟鄉外五所在  
桃村集蛇窩泊集臧家莊集寨里集趙家莊集  
今俱廢

鄉約所

縣二所一在延福寺一在元帝廟鄉外二十所

在送客亭松山店溫泉官亭楊础官亭寨里社  
學濱都宮水道觀路王觀子推院寺口院雲嶺  
寺院頭寺趙家莊廟臧家莊廟曲家村廟鐵口  
集廟亭口廟蛇窩泊廟大莊集廟觀里集廟俱

棲霞縣志

卷之一 公署

八

明萬曆十八年知縣何思鰲奉文置今俱廢

演武亭

在城北二里前教場東之西十丈南之北五十  
八丈明嘉靖三十七年知縣李揆建

接官亭

有二一在沙河徙置寨里一在榆山皆明成化  
間知縣路真建今榆山者廢

送客亭

在城西南三里

義學

在西關外附李公生祠內康熙四十六年知縣鄭占春建捐俸延師從學者衆詳見藝文碑記

急遞舖

總舖原在北門外改察院東今廢其北抵蓬萊七舖曰觀前曰赤巷口曰松山曰淖橋曰寨里曰沙河曰崕嶧東北抵福山五舖曰龍窩曰槐樹莊曰遠西泊曰高家莊曰杏山東抵寧海五舖曰榆林曰石劔曰水頭曰鐵口曰丘家莊南

棲霞縣志

卷之一

公署

九

抵萊陽四舖曰福井曰屯子芥曰楊础曰小里莊西抵招遠四舖曰斑山田任留曰店子曰寺口

養濟院

在北門外迎仙橋西

惠民藥局

在北門外今廢

祠祀

文廟

大成殿在儒學明倫堂前傍爲兩廡前爲戟門  
櫺星門明萬曆九年教諭李渥訓導李巖捐奉  
鑿泮池三十四年知縣曹烈前開雲路

國朝康熙元年兩廡櫺星門俱燬於兵知縣胡璘訓  
導臧法舜重修之

啟聖祠

舊在文廟左明萬曆三十一年知縣張雲霽改

棲霞縣志

卷之一

祠祀

十

建敬一亭之西

名宦祠

在戟門左祀金縣令李自牧元縣尹王鼎臣明  
知縣婁鑑陳貴郭實張鑾主簿牟敬祖教諭冀  
綸吳怡

鄉賢祠

在戟門右祀西漢清河太傅轅固明都御史高  
翼御史張綱重慶知府鮮延年鶴慶知府林恂  
應天府尹孫祿贈御史無極知縣郝守棻戶部

主事崔應登殉難守備李日舒

國朝祀贈內閣中書候贈戶部主事牟作孚

社稷壇

在城西北一里東之西十二丈南之北十七丈  
明洪武三年主簿牟敬祖建成化十年知縣婁  
鑑重修二十三年知縣陳貴闢神路植樹剏神  
門三間正德十一年知縣劉孜重修厨庫宰齋  
宿房各三間今俱廢址存

風雲雷雨山川壇

棲霞縣志

卷之一

祠祀

十一

在城西南二里東之西十二丈南之北十七丈  
明洪武三年主簿牟敬祖建成化十年知縣婁  
鑑正德九年知縣劉孜重修

城隍廟

在縣治西明成化八年知縣婁鑑建弘治二年  
知縣陳貴修

國朝康熙元年西廊燬於兵七年知縣胡璘重修

叭蜡廟

在城南三里明萬曆知縣李同寅移山川壇前

旗燾廟

在城北演武亭後

縣土地祠

鄴侯祠附

在大堂左

儒學土地祠

在戟門左康熙元年毀於兵

邑厲壇

在縣東明洪武三年主簿牟敬祖建七年知縣

姜昀修正德八年知縣劉孜改泐於北門外里

棲霞縣志

卷之一

祠祀

十一

許周圍二百二步

以上諸祭官主之祭先師啟聖於春二月秋八

月之上丁從而祭名宦鄉賢次戊祭社稷次巳

祭風雲雷雨山川城隍蚩蜡縣土地而旗燾之

祭以驚蟄以霜降邑厲之祭以清明以中元以

十月朔城隍土地月朔望縣官揖叅儒學土地

教官附祭於春秋二丁而叅朔望凡祭有儀有

品悉如

制祭器縣與學各貯之

論曰昔先王域天下之山川城郭而設之祀凡  
以爲民也故崇德則祠酬功則祠捍患禦災下  
逮厲鬼仁之至義之盡矣否者曰淫而又或以  
景行高風沐浴先澤列學宮而俎豆之斯固其  
英爽未替代有闡揚者歟若夫習俗相沿楮錢  
爲市以愚其氓氓或宗之君子不道凡斯所載  
何敢濫焉

學宮

棲庠殿廡凋敝啟聖祠僅存故址康熙四十一年本府同知楊公廷望來署縣事捐貲倡紳士大修之規模閎整煥然改觀詳見藝文碑記  
明倫堂歲久將圯楊公署事僅半載未及爲也  
康熙四十四年邑侯鄭公占春獨捐俸金增修式廓詳見藝文碑記

論曰土木勞民春秋謹之然闕宮之新泮水之

作必書於冊爲致治本務雖勞弗恤也棲瘠邑艱於營築故學宮日以頽敝二公獨加意修葺振興文教其功誠有不可泯沒者乎抑余因之有感矣學有名宦鄉賢兩祠所以報功崇德也今本縣與祀者皆先朝賢哲而

昭代無聞焉豈前之長吏多良而今之長吏皆庸歟豈前之士夫多賢而今之士夫皆不肖歟卓績懿行湮沒弗傳當亦盛朝之所亟宜表章也附論於此以俟大君子司風教之責者

祠堂

司李謝公祠

在北關碑  
見藝文

邑侯李公祠

在西關碑  
見藝文

棲霞縣志

卷之二  
祠祀

十四

廟宇

玉帝廟

有三一縣治西一城南三里一  
縣北十里濱都宮三清殿後

天齊廟

縣治西殿左  
有文昌祠

泰山行宮

城北湧  
泉山巔

元  
帝廟

北門  
外

棲霞縣志

卷之一 廟宇

十五

關帝廟

有三一南門外一城  
西北一演武亭後

馬神廟

演武  
亭後

三官廟

有二一城北湧泉  
山巔一西關外

龍王廟

翠屏  
山東

三司廟

北門外祀漢名將關羽張飛宋名臣包拯  
邑人桑谷寶建康熙七年知縣胡璘重建

### 火德廟

南關外舊基甚隘康熙七年知縣胡璘重建

寺觀

延福寺

縣治  
西

崗山寺

西五  
十里

寺口寺

西四  
十里

大方山寺

西南二  
十里

棲霞縣志

卷之二

寺觀

十七

小方山院

西南四  
十里

資福寺

南三十  
五里

興國寺

東南五十里  
有介子推院

雲嶺寺

東南七  
十里

龍泉寺

東四  
十里

永昌寺

東七  
十里

金山寺

東北三  
十里

唐山寺

東北十  
五里

兌山寺

東北六  
十里

棲霞縣志

卷之二

寺觀

十八

松山寺

北三十  
里今廢

虎山寺

北三十  
里

次口寺

北六十  
里

山陽院

西五十  
里

壽昌院

南七  
十里

天宮院

東南七  
十里

淨姑庵

東九  
十里

聖水庵

西南三  
十里

麻院

北七  
十里

棲霞縣志

卷之二

寺觀

十九

路王觀

北四  
十里

水道觀

北五十  
五里

百澗觀

東北八  
十里

慈濟庵

南門外關  
帝廟東

黃連觀

東北八  
十里

店子觀

北五  
十里

觀音閣

有二一西關  
外一北關外

論曰二氏之居遍天下矣凡山川秀麗之區文  
物藪匯之地皆其所宅其徒之食土色毛者日  
相聚豈盡二氏之靈哉蚩蚩之氓愚於禍福昧  
其所當然而徼倖於所不必然也

國家正名制典絕地天之通定神人之分而邑里  
流傳黎甿奔走有未可以遽革者姑仍習俗存  
而不削以見二氏之流風餘韻積久弗替而况  
夫習為聖賢之學者忍自暴棄為與則觀於斯  
志其亦有所感也失

坊表

毓秀坊

在縣前明萬曆六年  
知縣鮑霖立今廢

恩榮坊有二

一在北門外為進士解延年立  
一在儒學東為進士孫祿立

雲程繼美坊

在察院東為父子舉  
人林恂林翰邦立

欽旌苦節坊

在察院西為  
知府孫祿立

棲霞縣志

卷之一 坊表

特旨存問坊

在縣門東為  
府尹孫祿立

誥贈坊

在儒學西為戶  
部主事孫善立

封贈坊

在桃村集為誥贈知縣  
孫瑾暨子知縣以約立

烈婦坊有三

縣門西為庠生鄒著妻張氏立儒學西為庠生  
王化宣妻李氏立西關為劉心赤妻馬氏立

貞節坊有二

俱在南門內一為隋好信妻劉氏立  
立今廢一為隋好信妻劉氏立

### 義民坊

在察院前為林茂  
立以下今俱廢

### 世科坊

在縣西為進士王  
頤舉人王弼立

### 解元坊

在縣東為  
陳珍立

### 亞元坊

在縣東為舉  
人李謙立

### 棲霞縣志

### 卷之二 坊表

### 翀霄坊

在縣西為舉  
人孫隆立

### 鶚薦坊

在縣西為舉  
人王振立

論曰先王表厥宅里非第為觀美而已朝廷旌  
別之旨正閭里激揚之機一字之褒榮於華袞  
有不顧名思義者乎夫草野一時之闡揚猶足  
口碑沒世而不磨而況

聖天子籲俊尊賢之典其可具文目之歟爰志其著

者以存厥槩

棲霞縣志

卷之二

坊表

二十三

學田

演武亭東西二設共四十三畝二分  
明萬曆十九年知縣何思鰲奉文置

楊础八十畝  
明知府陶朗先置

義塚

城東嶠明嘉靖三十八年醫官孫煥施地五畝萬曆十九年生員王之垣施地五畝生員郝源施地四畝

城東北萬曆十九年王之卜郝守樸共施地八畝

城南萬曆十九年張文光施地五畝張文偉施地四

畝

縣南三十里文石村萬曆二十年庠生林大振施地

五畝

縣北水道村萬曆二十一年舉人林勝選施地五畝

棲霞縣志

卷之一

義塚

二十五

縣北松山店邑人崔應科施地三畝

縣北赤巷口生員王白鳩王允升鄉民張必科賈學

武共施地三畝

橋梁

環翠橋

南門外

迎仙橋

北門外

湲橋

北四十里  
今淤

赤巷口橋

北二十里

棲霞縣志

卷之二

義塚

二十六

七里橋

東南七里

蛇窩泊橋

東南四十里  
在集

方山橋

西南二十五里

論曰雨畢而除道水涸而成梁凡啟塞從時舊  
典也率是以行何溱洧濟人之譏哉棲無巨川  
橫流可通舟楫壘石架木俾四境無病涉之民  
固爲政之一端而掌故所必具也因其成蹟以  
時補苴是在後之爲政者